

INFORME- PROPOSTA MODIFICACIÓN ORDENANZA NUM. 406 PREZO PUBLICO POLA PRESTACIÓN DO SERVIZO MUNICIPAL DE COMEDOR ESCOLAR NOS CENTROS PÚBLICOS DE EDUCACIÓN INFANTIL E PRIMARIA.

Aos efectos de mellorar a prestación do servizo de comedor escolar nos CEIP DE LUGO e actualizar a información de acordo co prego técnico do novo contrato que comezou o 14 de agosto de 2025, remítese esta proposta de modificación da ordenanza núm. 406, que regula cuestións relativas á xestión de inscricións, tipos de usuarios e usuarias, xestión do servizo no sistema informático ou xestión de impagos, entre outros.

As devanditas modificacións non implican modificación de tarifas.

PROPONSE:

PRIMEIRO.- MODIFICAR o artigo 2º da Ordenanza núm. 406, quedando o artigo 2º regulado do seguinte xeito:

ARTIGO 2º. OBRIGADOS AO PAGO

Tendo en conta que as e os usuarios do servizo gravado por estes prezos son menores de idade e que, polo tanto, non teñen capacidade de obrar, actuarán no seu nome, cos efectos previstos na Lei xeral tributaria, as súas nais, pais e titoras e titores, ou calquera outra ou outro representante legal.

A efectos da cuantía da tarifa distínguese entre usuarios fixos do servizo de comedor escolar e usuarios esporádicos

Os usuarios e as usuarias fixos/as de comedor escolar son aquel alumno/a que formalice a matrícula en prazo, e que dispoña de praza, indicando os días da semana (serán sempre os mesmos días) que acudirá previamente, podendo ser: 1 día/sem, 2 día/sem, 3 día/sem, 4 día/sem, ou 5 día/sem.

Os usuarios e as usuarias esporádicos/as do comedor escolar son aquel/a alumno/a que non está matriculado como usuario/a fixo/a que utilice o servizo en días soltos de forma non planificada. Así mesmo, tamén son usuarios/as esporádicos/as o persoal funcionario docente e non docente, así como o persoal laboral e alumnado en prácticas de Maxisterio ou grao equivalente do centro educativo, que soliciten o servizo sempre e cando haxa prazas dispoñibles

Se se fai inscrición como fixo/a e posteriormente se detecta un uso esporádico, acumulando notificacións de ausencias continuadas, cobrarase todas as asistencias do mes como usuario esporádico.

Os usuarios e as usuarias de calendario de días (quendas no emprego das familias) deberán realizar a inscrición como fixo/a e comunicar antes do prazo establecido os días de asistencia do mes que entra. Esa asistencia deberá seguir un patrón determinado, por exemplo semana si, semana non ou día si día non, ou asistencia cada 3 días. No caso de que os días de asistencia non sigan un patrón considerarase usuario esporádico.

SEGUNDO.- MODIFICAR o artigo 3º da Ordenanza núm. 406, quedando o artigo 3º regulado do seguinte xeito:

ARTIGO 3º. COTAS

Para os efectos de establecer as cotas que terán que achegar as familias das usuarias e os usuarios do servizo municipal do comedor escolar nos centros públicos de educación infantil e primaria diferénciase entre prestación fixa e prestación esporádica por usuaria ou usuario.

O prezo do menú diario no almorzo, que cobrará a empresa por neno ou nena as familia será de 1,80€ diarios.

O prezo do menú diario no xantar, que cobrará a empresa por neno ou nena as familia será de 3,60 € diario, cando a asistencia do usuario sexa continuada, e o pago sexa mensual (usuario/a fixo/a).

O prezo das e dos usuarios que utilizarán o servizo de xantar, días discontinuos será de 4,60 € (usuario/a esporádico/a).

Os ditos prezos non inclúen o IVE, que será de aplicación conforme a normativa vixente.

TERCEIRO.- MODIFICAR o artigo 4º da Ordenanza núm. 406, quedando o artigo 3º regulado do seguinte xeito:

ARTIGO 4º. PROCEDEMENTO DE PAGAMENTO

Os prezos regulados nesta ordenanza devindicaranse no momento en que se outorgue a prestación do servizo.

As familias formalizarán asistencia coa inscrición no servizo e as cotas quedarán domiciliadas.

En caso de baixa do servizo, avísarase antes do 20 do mes anterior a causar baixa. Se se avisa máis tarde dese día seguirá vixente a contratación establecida, ata o seguinte mes, aínda que non se faga uso do servizo.

En caso de non poder asistir algún día ao servizo, é obrigatorio solicitar a cancelación do servizo só por medio do sistema informático establecido e nunca telefonicamente, non máis tarde das 20:00 horas do día lectivo inmediato anterior. Se non se avisa en prazo, cobrarase o servizo dese día.

O recibo mensual varía todos os meses e será o resultado de multiplicar o prezo/día do servizo seleccionado polo nº de días contratado no mes. Descontarase os días de non utilización sempre que se avisara en prazo. Os avisos de non asistencia fóra dos prazos cobrarase como se de unha asistencia normal se tratara.

A falta de pagamento dunha mensuralidade causará a suspensión temporal do beneficiario do servizo de comedor escolar, en tanto non abone a débeda pendente. Unha segunda falta de pagamento causará a baixa definitiva no servizo.

DISPOSICIÓN FINAL

A presente ordenanza entrará en vigor no día da súa publicación no Boletín Oficial da Provincia, comezará a aplicarse ese mesmo día, e permanecerá en vigor ata a súa modificación ou derogación expresa.

Asinado dixitalmente pola Xefa de Educación, Beatriz Pérez Traseira, co conforme da Concelleira de Educación e Difusión do Coñecemento, Iria Buíde Pena, na data que se indica á marxe.